

Ysgrifennydd Cabinet yn Agor Ysgol Wr Penrhyn

Mae ysgol gynradd newydd Penrhyn Angle -Ysgol WR yr Eglwys yng Nghymru Penrhyn- wedi cael ei hagor yn swyddogol gan Ysgrifennydd Addysg y Cabinet, Kirsty Williams AS.

Cafodd yr ysgol £3.9 miliwn newydd yn Hundleton ei hadeiladu yn dilyn cyfuniad Ysgol WR Angle, Ysgol WR Ystagbwl, ac Ysgol GG Orielson.

Noddwyd yr ysgol ar y cyd gan Cyngor Sir Penfro a Llywodraeth Cymru fel rhan o'r rhaglen Addysg ac Ysgolion yr 21^{ain} Ganrif.

Mae lle yno i 120 o ddisgyblion llawn amser yn ogystal ag Uned Blynnyddoedd Cynnar, a bydd cyfleusterau cymunedol a chylch chwarae ar y safle hefyd. Derbyniodd y disgyblion eu gwersi cyntaf yno ym mis Ionawr.

Croesawyd Mrs Williams gan Gadeirydd Cyngor Sir Penfro, y Cyng. Paul Harries, a phrifathro'r ysgol, Mr Clive Condon.

Dywedodd Mr Condon ei fod yn fodlon iawn gyda'r ffordd yr oedd y plant wedi ymgynefino, a phawb yn falch o gael darparu cyfleusterau cystal iddynt.

Rhannodd ddetholiad o fyfyrddodau'r myfyrwyr ynglŷn â'u hysgol newydd, gan gynnwys; 'rwy'n deall yn awr ein bod ni wedi bod ar golled, roedd yr hen ysgol yn llai o lawer!', 'rwy'n edrych ymlaen at gael defnyddio'r cae mawr ar ddiwrnod poeth', ac 'roeddwn i'n teimlo'n arbennig wrth gerdded trwy'r drysau awtomatig am y tro cyntaf, gan feddwl "mewn canrif bydd llawer iawn o blant wedi bod yma, ond ni yw'r rhai cyntaf".'

Pwysleisiodd y Parchedig Josh Maynard fod pawb yn yr ysgol- boed yn ddisgybl neu'n staff- yn werthfawr ac yn bwysig yn eu cyfraniad tuag at fywyd ysgol llewyrchus a chyffrous.

Wedi perfformiad gan gôr yr ysgol, a deuawd iwcaili gan Ossian a Iestyn, dywedodd Mrs Williams: "Mae blynnyddoedd cynnar dysg yn gyfnod allweddol wrth osod sylfaen ar gyfer datblygiad addysgiadol ein plant.

"Dyna'r rheswm pam ei bod hi'n bwysig i ni gydweithio i ddarparu'r amgylcheddau addysg gorau a mwyaf ysbrydoledig ag sy'n bosibl.

"Rwy'n deall fod eich ysgol newydd yn gyfuniad o dair ysgol leol, a rhaid i mi eich cymeradwyo am ddod ynghyd i rannu eich adnoddau a darparu'r gorau ar gyfer addysg eich plant."

Tywyswyd Mrs Williams o gwmpas yr ysgol i gwrdd â rhai o ddisgyblion pob dosbarth, a chael sgwrs ynglŷn â'u haddysg a'r hyn yr oeddent yn ei hoffi am yr ysgol newydd.

Dyluniwyd ac adeiladwyd yr ysgol gan WRW Construction Cyf., dan oruchwyliaeth tîm dylunio Cyngor Sir Penfro ar y safle.



Is-deitl

Yn y llun gwelir yr Ysgrifennydd Cabinet, Kirsty Williams AS, y Cyng. Paul Harries, a'r prifathro Clive Condon gydag aelodau cyngor yr ysgol, Corey Mathias and Hadassah Edge, a bardd eisteddfodol yr ysgol, Olive Le Britton Booth.